

possint legibus comprehendi. Hinc est regula Practicorum: *Omnia in-
iuria Legibus comprehendi non possunt.* Sigism. Flachius in *Colleg. Crimin.
diss. 5. num. 56.* Quò tendit Jctus Callistratus in *l. 3. § 2. ff. de Testib.* quan-
do ait: *Nullò certè modò satis definiri potest, quæ argumenta ad quem
modum probande cuique rei sufficiant.* Ratio est, quia indicia desumun-
tur ex facto, ex quo etiam Jus desumitur: Sed mutatò factò vel quoad
unam quandam notabilem circumstantiam, mutatur Jus ipsum. Zanger
s. 2. num. 227. p. 837. Ubi addit, quod secundum diversitatem factorum
diversum reddatur consilium: Quæ verò facti sunt, & exinde peten-
da sunt, certò definiri nequeunt, quia, nisi cognitis probè circumstan-
tiis rectè dijudicari haut possunt. 2. *Quod materia indiciorum Judicis
arbitrio sit committenda.* per *l. 3. § 2. ff. de Testib.* Quando in materia indi-
ciorum versamur, ubi certa doctrina dari nequit, tum res Judicis arbi-
trio est committenda. Corradus in *Pract. Tit. de neg. Crimin. & tort. n. 15.
fol. 291.* Farinac. *lib. 1. tit. 5. quest. 37. num. 192. p. 599.* Hinc ait Julius Clarus, *l. 5.
sent. § fin. quest. 20. pr. fol. 514.* In materia indiciorum non potest certa dari
doctrina, sed totum hoc relinquitur arbitrio boni viri, qui secundum
qualitatem personæ, delicti, & demonstrationum judicabit indicium esse
sufficiens vel non. Octavianus Vulpellus *Resp. Crimin. 109. num. 10. pag. 86.*
Ratio hujus est, quia quicquid in jure non est determinatum, illud Ju-
dicis arbitrio committitur. *C. de causis 4. Ext. de offic. de leg.* Damhoud.
in *Praxi Crimin. c. 36. num. 10. p. 27.* Quod tamen Judicis arbitrium, uti supra
ad artic. 6. dixi, non debet esse planè absolutum, & omni modo liberum,
sed Juri & æquitati conveniens. Hippol. de Marsil. in *Pract. Crimin. §. di-
ligenter. num. 24. pag. 386.* Balard. ad Jul. Clar. *l. 5. sent. § fin. quest. 64. num. 56.
p. 759.* Menoch. *l. 2. cent. 3. cas. 270. num. 4. p. 528. de A. F. Quest.* Generale
enim hoc est non tantum in materia indiciorum, sed etiam in omni
alio negotio & causa, in qua Judex vel à Lege vel ab homine habet ar-
bitrium, quòd illud gubernari debeat secundum tramites Juris &
æquitatis. Et cum aliquid relinquitur Judicis arbitrio, utique illud
intelligitur de arbitrio boni viri. Joseph. Mascard. *Vol. 3. Concl. 1392. n. 19.
pag. 318. de Probat.* Farinac. *lib. 1. tit. 5. quest. 37. num. 193, 194. pag. 600. Oper.
Crimin.*

3. *Quod Imperator quibusdam regulis indicia in sequentibus, quan-
tum fieri poterit, includere voluerit, quænam scilicet legitima & indubitata
dicantur indicia, & unde illa sint depromenda; Idque propterea, quia
sæpe Judices & Assessores, qui de vita & sanguine hominis judicare vo-
lunt*

lunt